



Aninnisin Q FAQs me Ponuwan fan iten Suuk sefan ren Oruwen Kinikin

Neni me Ekkoch Mwokutukut (Ekkesiwin 7-24-2020)

Angangan:

Q1: Ew mwich/chiechi epwe kouk ngeni ukukun 10 aramas. lei koukun ren chochon repwe nomw non ewe neni, ika ina ukukun chochon ew mwich repwe tongeni chufengen?

Q1: Ekkewe neni mei tongeni anomu fitu kinikinin mwich/chiechi non ew fansoun. Epwe chok tongeni ukukun 10 aramas non ew mwich ika chiechi non ewe neni. Ekkewe chon omwokutut ekkewe neni rese mumuta ngenir ar repwe ochufengeni chon fituw mwich ar repwe tori ewe koukun 10 aramas non ew mwich. Chon ew mwich mei nap seni 10 aramas ese mumuta. Koukun chochon aramas non ew neni epwe 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika ewe ukukun aramas, mei pachenong chon angang, anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun. Ren pwan sopwosopwun pworous kose mochen nengeni masowen ewe [ourour fan iten](#) emwicheich [me neni](#).

Q2: Ewe ourour fan iten neni mei pwan pachenong ekkewe rumwen mwich?

Q2: Ese pwan nifinifin rumw non ew neni mei pachenong non ewe [ourour fan iten](#) emwicheich [me neni](#).

Q3: Epwe tongeni wor sain epwe pacheta pun epwe tongeni esapw pwan wor an epwe ekkesiwin met ururun repwe fori?

Q3: Ewer. OHA mei awora sain epwe pacheta ei pachenong ekkei non: tetenin ekkewe esisinen COVID-19, aiti ngeni chon angang me chon fiti/chon nonomw ika a wor rer ekkei esisinen ewe samwaa ar repwe nom neimw ika niwin sefan ngeni imw, me aiti ngenir io repwe kori pwe epwe anisir. Ka tongeni kuna ekkena sain me ikei: [Sain](#).

Q4: Mei wor moni epwe kawor fan iten aninisin kut ticket online ika for reservation?

A4: Apw. Ren iei ese wor aninisin moni fan iten kutten ticket online ika for reservation.

Q5: Ewe ourour ngeni ekkew neni echok kawor fan iten mwokutukut an aramas ese nifinifin? Met sokkun ourour epwe eoch ngeni ekkewe apwapwa esapw an aramas ese nifinifin?

Q5: Ewe ourour fan iten neni mei kawor fan me ruuw mwokutukut an aramas ese nifinifin me esapw an aramas ese nifinifin. Ei kapasen ourour epwe fan iten ekkewe neni ir mei kan wisen anomwu ekkoch sokkun mwokutukut mei fis non ika nukun, pachenong mwichen apwapwa, urumwot, mwichen eoreni, mwichen mwuun fonu, me pwan mwichen namanam.

Q6: Mei chommong neni ese wor ar imwen ngaseno mei nomw nukun. Ekkewe imwen ngaseno mei kan tongeni keki fetan mei ketiw? Mei tongeni pwe ewe neni epwe finata meni imwen ngaseno epwe fan iten chok chon aea ar we neni mei nomw nukun?

Q6: Ewer. Ekkewe neni mei tongeni aea ekkewe imwen ngaseno mei kan tongeni keki fetan. Ekkewe chon omwokutu ekkewe neni repwe finata emon ren pekin nimenim epwe nimeti imwen ngaseno iteiten mwirin ew awa fansoun an wor mettoch mei fis non ewe neni, me tumunu epwe naf pisek (awewe, sop, churukami, sanitizer mei wor 60-95% arukor non) non unusen fansoun mei suk ewe neni ren mettoch mei fis non. Ei mei pwan pachenong enimenimen ekkewe imwen ngaseno nukun mei kan tongeni keki fetan.

Q7: Mei menei pwe ekkewe chon omwokutu ewe neni repwe cheki chon eto ngeni ewe neni nupwen repwe tonong ren ar repwe kuna ika mei wor rer ekkewe esisinen ewe COVID-19 me mwen ar repwe tonong?

Q7: Apw. Ekkewe chon omwokutu ewe neni ese pwan menei ar repwe cheki chon etto me chon fiti ekkewe mwokutukut mei fis non ewe neni. Iwe nge, ekkewe chon omwokutu ewe neni mei menei pwe repwe [pacheta sain](#) ren tetenin ekkewe esisinen COVID-19, aiti ngeni chon angang me chon fiti/aramas repwe nom neimw ika mei wor rer ekkei esisinen ewe samwau ika niwin sefan ngeni imw, me aiti ngenir io repwe kori pwe epwe anisir.

Q8: Mei wor met mei namwot pwe chon HVAC repwe fori an epwe eochueno ewe neni? Mei wor aninisin moni epwe tongeni anisi met angang HVAC epwe fori ika pwe ewe niwin mei kon memong ngeni koukun ew kukun nenien sopai?

Q8: Apw. Ese wor met OHA mei menei pwe chon HVAC repwe fori an epwe eochueno ewe neni. Ekkewe chon omwokutu ewe neni repwe fori pwe epwe eoch nenien fetanin asepan me non ewe neni. Ekkewe chon omwokutu ewe neni repwe anapano fetanin asepan ren ar repwe suki ekkewe asamacho me asam, aea saipo, ika pwan met epwe anisi fetanin asepan. Ekkewe chon omwokutu ewe neni resapw suki ekkewe asamwacho me asam ika pwe epwe efeiengaw ngeni nonomwun pochokunen ekkewe chon angang, chon fiti urumwot ika chon urumwot.

Q9: A mumuta an epwe suuk ekkewe imwen katon kachito non ei Oruwen Kinikin?

Q9: Ewer. Ekkewe imwen katon kachito mei nomw non kinikinin pwe nenien kukunou iwe ra tongeni suuk sefan non ei Oruwen Kinikin [Ourour fan iten Ekkewe Neni me Ekkoch Mwokutukut](#).

Q10: Ika pwe ew nenien katon kachito mei wor fitu kinikin, nenien katon kachito non, ewe koukun chochon repwe nomw non epwe kouk (100 aramas ika pwan ew nampa me nukun ena anongonong won koukun chochon repwe tongeni nomw) non ew me ew ekkewe rumwen katon kachito ika unusen ewe neni?

Q10: Ekkewe chon omwokutu ekkewe imwen katon kachito repwe fiti met masowen ewe Ourour fan iten Ekkewe Neni me Ekkoch Mwokutukut. Ekkewe chon omwokutu ekkewe imwen kachito repwe eimwufeseni meinisin mwokutukut mei fis non chok ew fansoun nge mei imwufesen ian repwe fis ian me non ewe neni. Chon eto fiti/chon nomw non ew me ew ekkewe kinikinin non ewe neni non ew chok fansoun resapw nomw fengen non ew neni, pachenong ekkewe imwen ngaseno.

Q11: Met sokkun ourour fan iten nimenimen ekkewe nenien kachito iteiten murin an wesino ew pwom mei fis?

Q11: Ekkewe chon omwokutu ekkewe imwen kachito repwe enimenima me nimeti monun paikin non ekkewe neni arams mei soun nomw ian me pwan neni aramas mei soun attapa — pachenong ekkewe sea me chepen — nefinen an wesino ekkewe pwom mei fis. Ekkewe chon omwokutu ekkewe nenien theater repwe pwan nimetochuw non ekkewe imwen ngaseno fan ru non ew ran, pwan achochongeni epwe naf nimeniman me ekewe pisekin nieno paikin epwe kaor (sopw, churukami, hand sanitizer) non unusen ewe ran. Aea nimenimen nieno paikin mei punguno meren [Environmental Protection Agency \(EPA\)](#) fan iten coronavirus SARS-CoV-2 virus ewe mei forata COVID-19. Ese mo wor pisekin nimenim mei mak COVID-19, nge mei wor pisekin nimenim mei afat ika porousan epwe nom won ar website ren usun aean me ochun aean nieno ewe coronavirus mei fetan seni aramas.

Q12: Epwe ifan ach sipwe sinei ika ewe ourour sipwe fiti ewe fan iten Ekkewe Neni me Sokkun Mwokutukut nge esapw ewe Ourour fan iten Ekkewe Nenien Kukunou Apwapwa mei nomw Non me Nukun?

Q12: Mei chommong kinikinin angang non ekkewe nenien sopai mei tongeni pwe repwe nomw fan nap seni ew kinikinin angang, iwe ir mei tongeni pwan fiti met masowen nap seni ew chok ourour. Omw kopwe weweiti menni taropwen ourour ekon ochu ngeni omw we kinikinin angang ika sopai, iwe kose mochen kopwe katon me non ewe [Taropwen Kapasen Ourouren Suuksefan](#).

Q13: Met sokkun pworous mei menei an emon epwe kuna ren fetanin ewe samwaau seni ewe Neni me Ekkoch Mwokutukut?

Q13: Ren sokkun mwokutukut mei fis, public health epwe tingorei ekkewe chon okkota/omwokutu taropwen ewe neni ikkei met repwe fori:

- Iten aramas, pwinin maram, kunok me neni e fis ian ewe mwokutukut
- Ren chon etto fiti:
 - Iter me last name
 - Ian re nonomw ian
 - Nampan fon
 - Nampan ewe sea ika kinikinin ian e momot ia ika pwe mei fat

Ekkei mettoch repwe isois non ukukun 60 ran me murin ewe fansoun mei fis ewe mwokutukut non ewe neni.

Q14: Ion epwe tongeni wisen anomwu ekkewe mettoch mei makketiw ren an epwe tumwun iteiten chon fiti ewe mwokutukut an aramas ese nififin me an private, me epwe ifan an emon epwe tokeni kutta fetanin ewe samwaau ren ekkei mettoch mei makketiw?

Q14: Ika pwe mei wor emon mei positive ren COVID-19 mei nomw non ewe neni/fiti ewe mwokutukut, ewe state ika local public health epwe tongeni angei ekkewe sokkun pworous fan iten an epwe tongeni kokori ika fori an angangen chosani fetanin ewe samwaau. Ekkewe pworous epwe tongeni chok no ngeni ewe state ika local public health. The contact information will only be shared with state or local public health ren ar repwe kokori iokewe aramas re nukuw pwe ir mei nomw non ewe kinikinin ian ewe aramas mei positive ren COVID-19 fan iten ar repwe tessinir me pwan awora sokkun ourour me aninis ngenir. Ekkewe chon wisen afetana fetanin repwe fiti ngeni met mei ururun ren an esapw tou pworousan nukun/emon esapw pwan sinei me pwan fiti met ououren fansoun repwe fori angangen chosa. Ekkewe pworous repwe no ngeni ewe public health esapw tongeni emon epwe pwan kuna mei nomw fan onnuk me epwe pwan kouk nikinikin fansoun an epwe tou pworousan. Anen afetano fetanin ewe samwaau ina chok ewe pwapwun an public health epwe angei ekkewe pworous ika nounou met pworous mei nomw fan iten ewe aramas. Ewe chon okkota/omwokutu ewe neni epwe tongeni tonano met pworous meinis ren non ewe kinikinin fansoun me murin 60 ran.

Q15: Ion a wisen masamas won an epwe opochokuna ekkewe Ourouren non ei Oruwen Kinikin fan iten ekekwe Neni?

Q15: Meinis met om menemenemang fan iten ei angangen suuksefan repwe no ngeni ewe [Oregon Occupational Safety and Health \(Oregon OSHA\)](#). Ewe Oregon OSHA a wisen angang fengen me ekkewe kinikinin nenien angang an state me ewe Ofesin Kepina ren an epwe iamwiri me opochokuna met an aramas menemenemang mei wor.

Q16: Ifan usun an "ew mwich" awewetiw me non ewe Ourour fan iten Ekkewe Neni me Ekkoch Mwokutukut?

Q16: Ew mwich a wewe ngeni iokkewe ir chiechi repwe ukukun 10 ika fen kukun seni ekkew ir re finata pwe repwe chufengen chok.

Towaw fesen me Chochon:

Q1: Ren ekkewe neni mei imwufesen kinikinin unusen non ewe neni, mei tongeni pwe ew me ew ekkewe kinikin repwe tongeni anomwu ukukun aramas epwe tongeni nomw no ew ar kewe neni nge epwe chok fiti ngeni met ewe kapasen ourour mei ururun epwe fiti (awewe ren, imwufesen nenien tonong/tou me imwen ngaseno, sanitizer me nenien tonu paw)?

Q1: Ewe koukun chochon non ew neni mei pwan men ngeni ekkewe kinikinin ewe neni mei imwuno/mwokutukut, me non ewe neni ika pwe:

- Ewe neni mei tongeni eimwufeseni metekewe mwokutukut epwe fis non ew me ew ekkewe neni nge ekkewe chon fiti non ew me ew ekkewe kinikinin non ewe neni esapw wor ar repwe kanefengen,
- mei imwuno nenien tonong me tou, *me pwan*
- mei imwuno ekkewe imwn ngaseno.

Q2: Ifan koukun towawen ekkewe chepenin patron seni ian epwe fis ian apwapwa me non ewe neni? Epwe pwan sakofesen ren met mei fis non me nukun? Mei namwot pwe epwe wor eppetin nefinen chon keen me chon katon?

Q2: Ekkewe chepenin patron me nenien momot repwe nomw ukukun 12 fit seni ian epwe fis ian apwapwan keen me ekkewe chon pworous, ika mwo pwe epwe fis non ika nukun. Ese pwan menei an epwe wor eppetin nefiner nge mei chok each ren an ren pekin tumwunuw me anisi, akkaewin ren ekkew chon keen me chon pworous ekkewe repwe kapas ika mengungu non fansoun nakatam. Ekkewe chon mei wor met repwe fori repwe aea pwonupwonun aaw me pwot, eppetin maas, ika pwonupwonun maas nupwen repwe nomw non, me nukun ikfa pwe ese tongeni an epwe pwonueta ewe onuw (6) fit towawen nefinen aramas.

Q3: En mei tongeni kopwe afata sakofesenin koukun "emwicheich" me ukukun chochon repwe nomw non ew nenien mongo?

Q3: Me fan ewe Oruwen Kinikin, ekkewe nenien mongo/neni repwe tongeni wor ukukun 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika pwan ifan ukukun aramas, pachenong ekkewe chon angang, anongonong won ifan koukun chochon (square fit/chochon), ika ifan koukun epwe chokukun. Ukukun koukun chon repwe nomw epwe fat ren non me nukun an epwe tongeni mecheres ewe koukun onuw (6) fit towawen nefinen chon ekkewe mwich. Ika pwe ewe neni/ewe chon fori ewe mwokutukut non ewe neni epwe efisi non me nukun, iwe ukukun chochon esapw nap seni 250 aramas, pachenong chon angang.

Nimenim me Nieno Paikin:

Q1: Epwe fite nenien tonu paw ika hand sanitizer epwe tongeni wor non ew neni? Epwe anongonong won ukukun aramas? Ian repwe nomw ian?

Q1: Ese pwan wor tichikin epwe ifan ukukun, nge ekkewe nenien tonuw paw me/ika nenien hand sanitizing epwe mecheres ngeni ian meinisin repwe tongeni aea me ian fansoun ar nomw non ewe neni. Ekkewe chon oomwokutu ekkewe neni repwe awora nenien tonu paw ika hand sanitizer (epwe wor 60-95% arukor non) non unusen kinikinin ewe neni fan iten chon angang me chon fiti urumwot/chon urumwot ar repwe aea. Ika epwe tufich, ekkew chon omwokutu ekkewe neni repwe awora hand sanitizer (epwe wor 60-95% arukor non) ren ekkewe asamen tonong.

Q2: Met upwe sinei ren pwe ngang mei wosen nimetifichi me nimetano monun paikin?

Q2: Tichikin pworousen epwe ifan omw kopwe enimenim me nimeti monun paikin won neni mei nomw won an CDC website won ei [link](#).

Q3: Mei och ai upwe ekkesiwini ekkewe mwesinien apwasa pouch ngeni ekkewe paper towel?

Q3: Ese wor met pworous sia angei an epwe pwarata pwe ekkewe mwesinin apwasa pouch mei achouwano fetanin ewe coronavirus. Iwe nge, ren ach sipwe nenengeni nimenimoch, ekkewe papaer towel re eoch mwen ekkewe mwesinen apwasa pouch. Ina popun, ika epwe tufich, sia pessei aean paper towel nap seni ekkewe mwesinen apwasa pouch.

Nenien Angangen Namanam

Q1: Ifan ururochun ourour epwe eochungeni ren nenien momot, nefinen aramas, kapwong, towawen nefinen aramas me non ekkewe mwichen namanam?

Q1: Chinon chok ren chon pusin non ew imw, kapwong, turufengen, me pwan ekkeoch sokkun angefengenin aramas ese mwo mumuta me non nenien emwicheich. Ew eochun anen eppeti senikich chounon ewe COVID-19 ach sipwe awora towawen nefinach me ekkoch esapw ir chon non imwach. Kich mei weweiti pwe ammen eweiresi nonomwun non ekkewe neni ian angangen kanefengenin arams me kapwong mei fis pwe kinikinin ewe eoreni.

Ren momot, met sia ekieki epwe murino ngeni towawen nefinen aramas epwe pachenong omwokutu ekkoch nenien momot pwe epwe pwak an epwe tongeni wor nefinen iokewe esapw ir chon non ew imw. Ren ekkewe imw mei pusin foton ekkewe nenien momot non awewe ren ekkewe pews, eppetano ew kinikinin murin pwan suki ew omw kopwe pacheta tep won pwe epwe tongeni fis epwe towawen nefinen aramas.

Q2: Epwe pwan wor met sipwe fori ren angangen tumwunoch fansoun keen ika niketikitik ika a fis ach service?

A2: Keen non ekkewe mwichen keen a fis pwe ina met ekon emwitiri fetanin ewe COVID-19, pwokiten nupwen fansoun keen ina atun a kon wateno an epwe paras supwun awen emon. An emon epwe etik ekkewe brass me woodwind mei pwan awateno efeiengawen ewe samwaau. Pwonupwonun aaw me pwot, eppetin maas, ika pwonupwonun maas mei menei an emon epwe aea nupwen fansoun keen ika etiik niketikitik non. Pwonupwonun aaw me pwot, eppetin maas, ika pwonupwonun maas nupwen repwe aea ika pwe mei weires an epwe tongeni pwonueta ewe atowawa nefinen aramas non ukukun onuw (6) fit.

- Anomwu non kokot pwe esapw wor mwichen keen ika mwokutukutun band.
- Ika pwe epwe wor niketikitik:
 - Repwe ene me pusin uwei nour niketikitik me repwe pwan nimeti monun paikin won iteiten wesin ar nounou.
 - Fori pwe epwe wor ukukun onuw (6) fit towawen nefinen ekkewechon niketikitik.
 - Ukutiw seni ami oupwe aea fengen microphone ika pwe epwe tufich. Nimeti monun paikin seni ekkewe microphone iteiten murin aea.

Q3: Mei wor met ourouren epwe ifan nikinikin an epwe tumwun angangen komunio?

Q3: Ika pwe mei wor amongo komunio, ewechon wisen amonata ewe komunio me mwen epwe pwoputa ewe service epwe tonu poun ngeni sopw me konik mei ekis pwich non ukukun 20 seken me mwen an epwe poputani ne amonata ewe komunio.

- Ekkewe ministerchon amongo komunio repwe aea pwonupwonun aaw me pwot, eppetin maas, ika pwonupwonun maas nupwen fansoun ar amongo komunio. Meininisminister repwe amongo komunio repwe tonu pour ngeni sopw me konik ika aea hand sainitizer murin ar pacheta ar kewe mask me me mwen ar repwe amongo komunio.
- Ekkewe minisiter repwe achochoc ngeni ar resapw atapa poun ekkewechon angei komunio nupwen fansoun ar wau ewe komunio.
- Ese mumuta komunio non ekkewe kapen komunio. Ika pwe ese tongeni an esapw amongon komunio me non ewe kapen komunio, iwe eineti ekkewe komunio non kap epwe imuno seni ewe nenien komunio, awora nefinan pwechon komunio repwe tongeni fini ewe kap nge resapw pwan atapa ekkoch aramas.
- Chon mongo komunio repwe ourour pwe repwe awora onuw (6) fit nefiner me pwan ekocho. Ekieki ika epwe wor esisin won simen ian epwe fat ren nenienchon komunio.

Q4: Mi or ourour fan iten ekkewe neni an epwe enimenim monun paikin me mwen me murin met mei fis?

A4: Kose mochen kopwe aneani metewe unusechun ourour fan iten angengen enimenim [ikei](#).

Q5: Ren ekkewe mwichefen mei kan wor nour security, ekkewe security repwe pwan cheki aramas ika pwe ir mei samwaaun nupwen fansoun epwe suk-sefan service? Ika pwe ewer, ion epwe awora angangen osukun ngenir?

Q5: Ekkewe mwichefen repwe pwan menei ar epwe cheki aramas. Iwe nge, [sain mei namot](#) an epwe achema ngeni ekkewe aramas ar repwe nomwonong neimw ika pwe ir mei mefi wonungawen samwaaun ren COVID-19 ekkewe esisinen ewe samwaaun me/ika ir mei feito seni ian neni mei fat pwe a wer chon osupwangen ewe virus ren COVID-19.

Q6: Ika pwe epwe suk sefan service, iwe mei wor chon ewe mwichefen ir mei kan apwangapwang ngeni ewe samwaau (awewe ren ekkewe ir mei wor ar samwaau, me pwan ekkoch) nge rese mochen ar resapw eto ngeni ewe neni, met sipwe fori?

Q6: Pessei ngeni iokewe ir mei fat pwe ir mei apwangapwang ngeni ewe COVID-19 ar repwe nomw non imw fiti service me non imw, ika pwe epwe tufich. Ekieki omw kopwe ouroura ngenir pwe ekkewe ir mei kan apwangapwang ngeni ewe samwaau ra chok fiti fan won internet ika video chat me non imw ika pwe ir mei tongeni. Ika pwe ir mei chok eto ngeni ewe nenien service, repwe aea pwonupwonun aaw me pwot, eppetin maas ika pwonupwonun maas iwe repwe pwan fori ar repwe towaw seni pwan ekkoch fansoun meinisin.

Q7: Epwe wor ika mei wor ourour fan iten ekkewe sokkun mwokutut mei watte ren (opupunu, meima, upwutiw, apwapwan ierin emon, me pwan ekkoch) non ei fansoun sukefan?

Q7: Ew mei ew ekkewe mwichefen mei pusin wor sokkun nikinikin ar fori ekkei sokkun mwokutukut. Ika pwe sise tongeni awora tichikin ourour ngeni meinisin, kich mei pessei pwe metekewe sokkun sipwe fori epwe chok pwan fis pachenong towawen nefinen aramas, tonuwechu paw me aean ekkewe sokkun pwonupwonun maas, ika pwe me menei.

Q8: Ian sipwe tongeni kuna me ian ourour fan iten emwicheichen semirit, an semirit kewe sukun fansoun service, summer camp, me pwan ekkoch?

Q8: Kose mochen fiti masowen ewe [Kapasen Ourour fan iten Ekkewe Summertime Camp ren ekkewe Ra Ierin Sukun](#).

Ekkewe sokkun program an semirit epwe nomw non repwe fiti met masowen ewe fan iten nenien tumwunun semirit [Kapasen Ourour fan iten ekkewe Nenien Tumwunun Semirit](#) ika pwe ir mei mumuta ar repwe angang usun ew nenien Tumwunun Semirit.

Q9: Ew “neni mei pin” ew neni mei imuno seni kinikinin non ewe neni ren pwopwun mei auchea, awewe ren antare me nenien iotek. Ren ekkewe neni ian "neni mei pin" mei fakkun auchea, met sokkun ourour repwe tongeni fiti an epwe mutanong emon non ewe neni ren pwopun mei affat? Ika mwo pwe emwicheich ese mwo mumuta, nge ifan ren ekkewe sokkun ren an emon me emon repwe fori me non nenier kewe?

Q9: Kich mei weweiti pwe ewe me ew mwichefen mei pusin wor met ar eoreni ir mei fofori, sokkun ar angangen pin mei weires an epwe fiti ngeni met masowen ekkewe ourour sia awora. Ren ei wewe, mei auchea pwe ewe angangen atowawa nefien aramas, fori angangen tonuw paw iteitan, epwe wor eniemenimen neni ian aramas mei soun atapa ian, aea ekkewe pwonupwonun aaw me pwot, eppetin maas, pwonupwonun maas. Ren pwan ekkoch pworousen tonu paaw, pwonupwonun maas me angangen enimenim, ka tongeni no ngeni ewe website [ikej](#).

Tourechun taropwe: Ren ekkewe aramas mi wor terir ika aramas mei sokono fosun fonuer esapw Merika, OHA mi tongeni awora taropwe non ew sokkun nikinik ar repwe weweiti, ren fosun ekis, mesemongun mak, nikinikin noun mei chuun ika met sokkun emon e mochen. Kokori Mavel Morales won nampa 1-844-882-7889, 711 TTY ika mak ngeni won OHA.ADAModifications@dhsoha.state.or.us.